



**МОНГОЛ УЛС  
ГОВЬ-АЛТАЙ АЙМГИЙН  
ЗАСАГ ДАРГЫН  
ЗАХИРАМЖ**

20<sup>20</sup> оны 10 сарын 05 өдөр

Дугаар А/549.

Алтай хот

**Захирамжийн биелэлтийг түдгэлзүүлэх  
тухай**

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2, 29.3 дахь хэсэг, 32 дугаар зүйлийн 32.7 дахь хэсэг, Захиргааны ерөнхий хуулийн 40 дүгээр зүйлийн 40.4 дэх хэсэг, 96 дугаар зүйлийн 96.1 дэх заалтыг тус тус үндэслэн **ЗАХИРАМЖЛАХ** нь:

1. Захиргааны ерөнхий хуульд заасны дагуу гомдол гаргагч нараас тайлбар, санал авах ажиллагааг хийлгүйгээр нэр бүхий аж ахуйн нэгжийн Тамхи худалдах тусгай зөвшөөрлийг хүчингүй болгосон Есөнбулаг сумын Засаг даргын 2020 оны 09 дүгээр сарын 29-ний өдрийн А/128 дугаар захирамжийн биелэлтийг 6 сарын хугацаагаар түдгэлзүүлсүгэй.

2. Тамхины хяналтын тухай хуулийн хэрэгжилтийг хангуулах талаар тамхи худалдах үйл ажиллагаа эрхлэх тусгай зөвшөөрөлтэй аж ахуйн нэгжид мэдэгдэж, Захиргааны ерөнхий хуульд заасан сонсох ажиллагааг хийж, хуулийн хэрэгжилтийг хангуулж, ажиллахыг Есөнбулаг сумын Засаг дарга (Ш.Дагва)-д үүрэг болгосугай.

3. Захирамж гарсантай холбоотой гомдол гаргагч нартай уулзсан хурлын тэмдэглэл, шаардлагатай, баримт материалыг бүрдүүлж, хувийн хэрэг үүсгэх, захирамжийн хэрэгжилтэд хяналт тавьж ажиллахыг Хөрөнгө орлуулалт, хөгжлийн бодлого, төлөвлөлтийн хэлтэс (П.Баасан)-т даалгасугай.

